



Broj: 12-19-02279/23

Datum: _____

NACRT

Ministarstvo za prostorno uređenje, promet i komunikacije i zaštitu okoline, rješavajući po zahtjevu operatera „C.I.B.O.S.” d.o.o. Sarajevo, Poslovna jedinica Zenica, u postupku obnove Rješenja o okolinskoj dozvoli, a na osnovu člana 83. i 89. Zakona o zaštiti okoliša („Službene novine Federacije BiH”, broj: 15/21), člana 4. stav (2) Uredbe kojom se utvrđuju pogoni i postrojenja koja moraju imati okolinsku dozvolu („Službene novine Federacije BiH” broj: 51/21 i 74/22) i člana 200. Zakona o upravnom postupku („Službene novine Federacije BiH”, broj: 2/98 i 48/99), **d o n o s i :**

RJEŠENJE

1. Daje se OKOLINSKA DOZVOLA Društvu za otkup, primarnu preradu sekundarnih sirovina i trgovinu „C.I.B.O.S.” d.o.o. Sarajevo, Poslovna jedinica Zenica za poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina kapaciteta od cca 215 tona/dan koji se nalazi u Ulici željezarska bb, Poslovna zona 2, Grad Zenica, na prostoru površine 26 650 m².
2. Okolinska dozvola se izdaje za poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina projektovanog kapaciteta od cca 215 tona/dan u okviru kojeg se nalaze:
 - Otvoreno skladište crnih metala površine 26 107 m².
 - Natkriveno i zatvoreno skladište obojenih metala s radionicom površine 295 m².
 - Upravna zgrada spratnosti P+1 (prizemlje i sprat) u kojoj se nalaze kancelarijski prostor, prostor za arhivu, mokri čvor za uposlenike i kotlovnica.
 - Postrojenje „Schreder” za mljevenje (usitnjavanje) i razdvajanje metalnih od nemetalnih frakcija kapaciteta 10 t/h.
 - Postrojenje za presovanje i siječenje – hidraulične makaze „Lindemann” kapaciteta 30 t/h.
 - Postrojenje za mljevenje otpadnih guma i proizvodnju RDF-a kapaciteta 2500 t/h.
 - Mašina za vađenje žice iz kamionskih guma maksimalna sila 45 t.
 - Presa za pakiranje starog papira i kartona „MBH HELMOND” radnog pritiska 150 bara.
 - Kamionsko-vagonska vaga kapaciteta 100 t.
 - Kotlovnica u sklopu upravne zgrade sa instaliranim kotlom na tečno gorivo (lož ulje) snage 44,20-64,5 kW.
 - Sistem za prečišćavanje otpadnih voda nastalih na predmetnoj lokaciji:
 - Dva armirano-betonska tipska separatora ulja i masti sa prelivom – za tehnološke otpadne vode (otpadne vode koje nastaju pranjem radnih platoa, ulaznih sirovina, skladišnog i radnog prostora hale te oborinske onečišćene vode sa saobraćajnih i manipulativnih površina).
 - Plato sa pristupno – manipulativnim prostorom, željezničkim kolosjekom i internim saobraćajnicama.
3. Privredno društvo „C.I.B.O.S.” d.o.o. Sarajevo, Poslovna jedinica Zenica je dužno da tokom rada i prestanka rada poslovnog kompleksa za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina u Ulici željezarska bb, Poslovna zona 2, Grad Zenica, ispuní opće obaveze zaštite okoline tako da:

- ne ugrožava zdravlje ljudi, ostvaruje povoljno stanje flore i faune, ne dovede do gubitka staništa koji se nalazi na području uticaja postrojenja ili okoliša zbog emisija supstanci, buke, mirisa, vibracija ili toplote, saobraćaja ili od postrojenja;
- preduzme sve odgovarajuće preventivne mjere za sprječavanje zagađenja i ne prouzrokuje zagađenje iznad graničnih emisija;
- izbjegava stvaranje otpada, njegovu količinu svodi na najmanju moguću mjer, stvoreni otpad ponovno koristi, reciklira ili odlaže na način da se izbjegne i smanji negativan uticaj na okoliš;
- efikasno koristi energetske i prirodne resurse;
- preduzme mjere za sprečavanje nesreća i ograničavanje njihovih posljedica;
- preduzme mjere nakon prestanka rada postrojenja za izbjegavanje rizika od zagađenja i za povrat lokacije na kojoj se nalazi postrojenje u zakonom propisano stanje okoliša.

4. Tehnološki proces proizvodnje i lista osnovnih sirovina

Osnovna djelatnost privrednog društva „C.I.B.O.S.” d.o.o. Sarajevo, Poslovna jedinica Zenica je prikupljanje, skladištenje, tretman i transport sekundarnih sirovina do krajnjeg kupca i druge prateće usluge. Tehnološki proces rada započinje dovozom sekundarnih sirovina u krug poslovnog prostora. Dovoz sekundarnih sirovina obavlja se vlastitim transportnim sredstvima ili ih u krug poslovnog objekta dopremaju sami dobavljači, gdje se nakon prijema (evidentiranja) i vaganja od strane radnog osoblja razvrstavaju i upućuju na postupak obrade i oblikovanja. Dopremljeni metalni otpad se nakon vaganja kontroliše od strane ovlaštenih i obučanih zaposlenika na prisustvo neeksplozivnih ubojitih sredstava i radioaktivnih materija pomoću aparata – Gejgerov brojač. Nakon toga se vrši istovar i klasiranje primljenog materijala iz vozila na predviđenom prostoru uz dalju kontrolu prisustva opasnih supstanci. Djelokrug rada društva je u oblasti prikupljanja i zbrinjavanja sljedećih vrsta sekundarnih sirovina: dijelova starog željeza i čelika, raznih obojenih metala, papira i kartona, pvc ambalaže, starih guma, otpada iz električne i elektronske opreme, baterija i akumulatora, otpad od starih vozila i slično. Primljeni otpadni materijal i sekundarne sirovine se dalje prerađuju (ustnjavaju, presuje ili se vrše dodatne operacije oslobađanja od zaštite i slično), a zatim privremeno skladište u krugu preduzeća do otpreme krajnjem kupcu. Operacija usitnjavanja i presovanja otpada vrši se u cilju smanjenja zapremine materijala, a samim tim povećava se kapacitet skladišta na koji se isti odlaže, a u isto vrijeme olakšava i transport do kupca. Ostali otpadni materijal u koji spada i opasni otpad se direktno upućuje na privremeno skladištenje u odgovarajućoj ambalaži, koja se nalazi u priručnom objektu u poslovnom krugu preduzeća, do predaje na konačno zbrinjavanje ovlaštenom operateru.

4.1 Operater „C.I.B.O.S.” d.o.o. Sarajevo, Poslovna jedinica Zenica, u poslovnom krugu društva obavlja sljedeće operacije prerade sekundarnih sirovina:

- Presovanje i siječenje metalnog otpada na postrojenju hidraulične makaze „Lindemann” kapaciteta 30 t/h radi smanjenja volumena, a u cilju lakšeg transporta i skladištenja, se obavlja tako što se metalni otpadni materijal utovara pomoću bagera u sanduk hidrauličnih makaza naakon čega se vrši presovanje i siječenje nožem. Na ovaj način pripremljeni metalni otpad se utovara i transportuje poznatom kupcu.
- Mljevenje (usitnjavanje) i razdvajanje metalnih od nemetalnih frakcija na postrojenju „Schreder” kapaciteta 10 t/h počinje utovarom otpadnog materijala pomoću bagera nakon čega slijedi usitnjavanje u mlinovima i razdvajanje samljevenog otpada kroz niz sita i magneta. Kroz postrojenje prolazi nekoliko transportnih traka kojima se otpad transportuje od procesa do procesa.
- Proizvodnja RDF-a od guma većeg prečnika (gume za teretna vozila) počinje odstranjivanjem žice na postrojenju za vađenje žice, nakon čega se gume melju u postrojenje za proizvodnju RDF-a, dok se gume manjeg prečnika, koje ne sadrže žicu, direktno ubacuju u postrojenje za proizvodnju RDF-a. Proizvedeni RDF se transportuje u Fabriku cementa Lukavac koja ima dozvolu za korištenje alternativnog goriva – RDF-a.

- Na depo skladišta od starih vozila primaju se čiste školjke automobila bez bilo kakvih dijelova za koje je potrebna dalja demontaža i zbrinjavanje opasnih tekućina (goriva, ulje iz diferencijala i kartera, maziva, tekućina za brisanje prozora, kiselina iz akumulatora i sl.) koje se mehanički obrađuju na oblik najpogodniji za transport.
- Dopremljeni papir i karton posebno se izdavaju i dopremaju u boks gdje je smještena namjenska presa za papir. Nakon presovanja smanjuje se zapremina dopremljenih količina papira tako da je podesan za dalji transport do kupca.

Nakon obrade otpadni sortirani i obrađeni materijali se plasiraju na domaće i inostrano tržište. Tehnološki proces rada društva zasniva se na najsavremenijoj tehnologiji koja zadovoljava ekološke standarde, a nastali otpad se ekološki zbrinjava i priprema za dalju preradu. Kapacitet proizvodnje predmetnog kompleksa je cca 215 tona/dan otpadnih materijala.

Za predmetnu djelatnost operater „C.I.B.O.S.” d.o.o. Sarajevo, Poslovna jedinica Zenica posjeduje dozvolu za aktivnost upravljanja otpadom i njegovo odlaganje broj: 12-23-2925-1/1 od 10.05.2018. godine izdatu od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.

Za potrebe tehnološkog procesa skladištenja i prerade instalirana je potrebna oprema (postrojenje „Schreder” za mljevenje (usitnjavanje) i razdvajanje metalnih od nemetalnih frakcija kapaciteta 10 t/h, postrojenje za presovanje i siječenje – hidraulične makaze „Lindemann” kapaciteta 30 t/h, postrojenje za mljevenje otpadnih guma i proizvodnju RDF-a kapaciteta 2500 t/h, mašina za vađenje žice iz kamionskih guma maksimalna sila 45 t, presa za pakiranje starog papira i kartona, kamionsko-vavonska vaga kapaciteta 100 t, vaga 2 t, vaga 500 kg, Gajger-Milerov brojač radi detekcije radioaktivnog zračenja, elektro aparati za varenje, električne ručne brusilice i drugi sitni alati transportna sredstva i druga prateća oprema).

- 4.2 Prema podacima operatera „C.I.B.O.S.” d.o.o. Sarajevo, Poslovna jedinica Zenica prosječna godišnja potrošnja osnovnih sirovina – energenata za predmetni poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina data je u sljedećoj tabeli:

Red. br.	Naziv	Godišnja potrošnja
1.	Voda	996 m ³
2.	Propan butan	2 745 t
3.	Električna energija	5 340 kWh
4.	Kisik	30 340 t
5.	Pogonsko gorivo	80 t
6.	Lož ulje	2 t

Tabela 1: Prosječni godišnji utrošak energenata i vode

5. Privredno društvo „C.I.B.O.S.” d.o.o. Sarajevo, Poslovna jedinica Zenica je dužno da tokom rada i prestanka rada poslovnog kompleksa za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina u Ulici željezarska bb, Poslovna zona 2, Grad Zenica, a u cilju što većeg smanjenja emisija i negativnog uticaja na okoliš, realizuje sljedeće mjere i aktivnosti:

- Od strane odgovornog lica redovno vršiti poslove zaštite okoliša, a naročito:
 - Pratiti i kontrolisati provođenje propisanih uslova iz okolinske dozvole;
 - Izraditi godišnji monitoring plan i organizovati vršenje monitoring programa;
 - Pratiti i kontrolisati provođenje Plana upravljanja otpadom;
 - Slati nadležnim institucijama izvještaje o rezultatima izvršenog monitoringa.

Rok za izvršenje: stalna obaveza u skladu sa važećim propisima.

- Sve otpadne vode sakupljati i odvoditi razdvojenim kanalizacijskim sistemima do definisanog uređaja za tretman i prečišćavanje otpadnih voda. Kanalizacijski sistem treba

biti izveden kao razdvojen sistem za:

- Tehnološke otpadne vode nastaju pranjem radnih platoa, ulaznih sirovina, skladišnog i radnog prostora hale te oborinske onečišćene vode sa saobraćajnih i manipulativnih površina,
- Sanitarno-fekalne otpadne vode iz sanitarnih čvorova,
- Oborinske krovne vode.

Rok za izvršenje: stalna obaveza.

- Tehnološke otpadne vode koje nastaju pranjem radnih platoa, ulaznih sirovina, skladišnog i radnog prostora hale te oborinske onečišćene vode sa saobraćajnih i manipulativnih površina, koje mogu biti onečišćene naftnim derivatima i opterećene suspendovanim materijama, prije ispusta u krajnji recipijent – rijeku Bosnu odvoditi u separator ulja i masti.

Rok za izvršenje: stalna obaveza.

- Separator ulja i masti treba da bude tako dimenzioniran da obezbijedi prečišćavanje zauljenih voda najmanje do nivoa propisanih graničnih vrijednosti definisanih Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20 i 96/20).

Rok za izvršenje: prije početka izvođenja građevinskih radova, a u skladu sa projektnom dokumentacijom.

- Redovno pratiti nepropusnost i nivo popunjenosti separatora ulja i masti. Putem ugovornog odnosa sa firmom ovlaštenom za ovu vrstu djelatnosti obezbijediti redovno uklanjanje istaloženog ulja i masti iz komora separatora i njegovo odvoženje na dalju preradu. Nakon pražnjenja nakupljenog taloga ulja i masti sve komore separatora očistiti i tek onda ponovno staviti u funkciju.

Rok za izvršenje: kontituirano/po potrebi.

- Čišćenje i održavanje separatora ulja i masti te skladištenje i konačno zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru.

Rok za izvršenje: stalna obaveza.

- Korisnik predmetnog kompleksa „C.I.B.O.S.” d.o.o. Sarajevo, Poslovna jedinica Zenica, treba tokom godine da obezbijedi uzorkovanja otpadnih voda iz okna za monitoring ugrađenog u separatoru ulja i masti, a sve u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20 i 96/20) i u skladu sa zadacima propisanim Rješenjem o vodnoj dozvoli broj: UP-1/25-3-40-520-3/20 od 30.12.2020. godine izdatim od strane „Agencije za vodno područje rijeke Save”, Sarajevo.

Rok za izvršenje: kontinuirano.

- Talog iz separatora se ne smije ni privremeno odlagati na česticu «vodno dobro», odnosno u vodotoke i na njegove obale.

Rok za izvršenje: stalna obaveza.

- Obezbijediti redovno čišćenje i održavanje svih hidrotehničkih objekata (slivnika, šahtova, separatora itd.) s ciljem što većeg smanjenja zagađivanja vode, kao i njihovog optimalnog funkcionisanja.

Rok za izvršenje: stalna obaveza.

- Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.

Rok za izvršenje: kontinuirano.

- Obezbijediti implementaciju i poštivanje svih uvjeta i mjera definiranih u Rješenju o vodnoj dozvoli broj: UP-1/25-3-40-520-3/20 od 30.12.2020. godine izdatog od strane „Agencije za vodno područje rijeke Save”, Sarajevo.

Rok za izvršenje: stalna obaveza.

- Sanitarno-fekalne otpadne vode iz sanitarnog čvora odvoditi u gradsku kanalizacionu

mrežu.

Rok za izvršenje: kontinuirano.

- Sve otpadne vode sa predmetnog kompleksa se moraju podvrgnuti predtretmanu prije ispusta u krajnji recipijent.

Rok za izvršenje: stalna obaveza.

- Oborinske vode sa krovnih površina koje su nezagađene prikupljati i odvesti do krajnjeg recipijenta bez prethodnog tretmana.

Rok za izvršenje: kontinuirano.

- Zbrinuti opasni otpad koji se skupi u toku godine na ekološki prihvatljiv i zakonom propisan način (stara ulja i masti u separatoru).

Rok za izvršenje: stalna obaveza.

- Obezbijediti redovno čišćenje i održavanje radnih površina na prostoru predmetnog kompleksa. Slučajno prosute količine goriva i ulja na asfaltno–betonske površine odmah od strane radnog osoblja pokupiti i odstraniti u namjenske posude.

Rok za izvršenje: kontinuirano.

- Na prostoru predmetnog kompleksa obezbijediti više namjenskih PVC posuda za razne vrste otpadnih materija.

Rok za izvršenje: kontinuirano.

- Na prostoru predmetnog kompleksa za tretman i reciklažu neopasnog miješanog otpada obezbijediti sprovođenje mjera za sprečavanje nastanka otpada i potpunu reciklažu korisnog otpada. Napunjene posude sa razvrstanim otpadom redovno od strane komunalnog preduzeća odvoziti na odobrenu deponiju.

Rok za izvršenje: kontinuirano.

- Strogo se zabranjuju sve radnje koje utječu na nepravilno odlaganje bilo kakve vrste otpadnih materija na lokaciji predmetnog kompleksa.

Rok za izvršenje: stalna obaveza.

- Na predmetnoj lokaciji moraju biti postavljeni lako uočljivi propisani znakovi zabrana i upozorenja.

Rok za izvršenje: prije početka rada predmetnog kompleksa - stalna obaveza.

- Redovno vršiti servisiranje i održavanje instalacija i postrojenja te čistiti i održavati radne i pomoćne prostorije.

Rok za izvršenje: kontinuirano.

- Redovno održavati sredstva za rad i opremu, ventile, šahtove, radni plato sa pripadajućom opremom kao i transportna sredstva.

Rok za izvršenje: kontinuirano.

- Redovno vršiti ispitivanje električnih instalacija, uređaja, gromobrana i statičkog elektriciteta.

Rok za izvršenje: stalna obaveza u skladu sa važećim propisima.

- U skladu sa važećim propisima vršiti ispitivanje protivpožarne opreme (vatrogasni aparati, hidranti), sredstava rada i postrojenja u cilju dobivanja upotrebne dozvole za sredstva rada.

Rok za izvršenje: stalna obaveza u skladu sa važećim propisima.

- Investitor je dužan osigurati da sva postrojenja i uređaji te lična zaštitna sredstva u upotrebi u svakom trenutku budu ispravna, odnosno dužan ih je isključiti iz upotrebe ako su na njima nastale promjene zbog kojih postoji opasnost po sigurnost i zdravlje radnika.

Rok za izvršenje: stalna obaveza.

- Voditi računa o eventualno zapaljivim materijama, izvorima vatre, plamena kao i drugim mogućnostima nastanka požara, u skladu sa posebnim propisima.

Rok za izvršenje: stalna obaveza.

- U postupku tretmana prikupljenog metalnog otpada zabranjuje se primjena bilo kakvih hemijskih, termičkih ili sličnih metoda tretmana.

Rok za izvršenje: stalna obaveza.

- U toku obavljanja djelatnosti prikupljanja otpadnih materijala i tretmana sekundarnih sirovina najstrožije se zabranjuju bilo kakve aktivnosti sa neeksplozivnim ubojnim sredstvima ili drugim neidentifikovanim materijalima.
Rok za izvršenje: stalna obaveza.
- Spriječiti sve nekontrolirane operacije (spaljivanje otpadnog materijala i ambalaže itd.) koje bi mogle proizvesti štetne uticaje na zrak. Svi postupci i sve operacije pri kojima nastaju štetne emisije u zrak moraju biti strogo kontrolisani.
Rok za izvršenje: stalna obaveza.
- Redovno vršiti pregled kotlovnice i održavati optimalno sagorijevanje energenta (lož ulje), u skladu sa karakteristikama kotla.
Rok za izvršenje: stalna obaveza.
- Kontrolisati rad kotla i čistiti dimnjak redovno.
Rok za izvršenje: stalna obaveza.
- Obezbjediti redovno servisiranje i tekuće održavanje postrojenja, uređaja i opreme na predmetnom kompleksu u cilju minimiziranja emisija u okoliš i negativnih uticaja na okoliš. Remonte postrojenja obavljati putem ovlaštenih firmi, a u skladu sa preporukama proizvođača i zakonskim propisima koji bliže regulišu ovu oblast.
Rok za izvršenje: stalna obaveza u skladu sa važećim propisima.
- Ukoliko se u toku izvođenja radova i korištenjem predmetnog kompleksa dođe do šteta ma kakvog karaktera, vlasnik odnosno korisnik objekta je dužan uzroke nastalih šteta otkloniti, a nastale štete nadoknaditi.
Rok za izvršenje: u najkraćem roku od nastanka eventualne štete.
- U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
Rok za izvršenje: u najkraćem roku od nastanka eventualne štete.
- Skladištenje ulja i maziva za potrebe mehanizacije i podmazivanja strojeva vršiti na propisan način u metalnim buradima u namjenskoj skladišnoj prostoriji.
Rok za izvršenje: stalna obaveza.
- Vršiti redovno održavanje i čišćenje manipulativnog i skladišnog prostora pjeskom i nekim od apsorpcionih materijala.
Rok za izvršenje: stalna obaveza.
- Redovno vršiti obuku-edukaciju svih uposlenih radnika koji su angažovani u tehnološkom procesu razdvajanja i tretmana sekundarnih sirovina, a naročito za rad sa zapaljivim i eksplozivnim materijama, izvorima opasnosti i njihove zaštite.
Rok za izvršenje: stalna obaveza.
- Redovno obučavati sve zaposlenike o mjerama sprečavanja i smanjenja emisija i negativnih uticaja na okoliš predmetnog poslovnog kompleksa u cilju postizanja najboljih i najprihvatljivijih uvjeta za okoliš. Svaki zaposlenik treba da razumije obaveze i prihvati odgovornost za zaštitu okoliša.
Rok za izvršenje: stalna obaveza.
- Primjeniti druge tehničko-tehnološke, ekonomske i organizacione mjere, koje su u funkciji zaštite okoliša.
Rok za izvršenje: stalna obaveza.
- Obezbjediti ispitivanje mikroklimatskih uslova.
Rok za izvršenje: kontinuirano.
- Propisno održavati i čistiti krug poslovnog kompleksa.
Rok za izvršenje: stalna obaveza.
- U slučaju prestanka rada predmetnog kompleksa potrebno je poduzeti sljedeće mjere i aktivnosti:
 - Obezbjediti potpunu prodaju sekundarnih sirovina i svi ostalih otpadnih materijala

- koje su skladištene na predmetnoj lokaciji ovlaštenim operaterima.
- Prijaviti prestanak obavljanja djelatnosti nadležnim institucijama.
 - Pribaviti potrebne saglasnosti i rješenja za uklanjanje objekata i opreme od nadležnih organa.
 - Ukloniti i predati sav opasni otpad ovlaštenim operaterima.
 - Demontaža opreme, objekata i sadržaja na predmetnoj lokaciji.
 - Ukloniti i predati sav neopasni i komunalni otpad ovlaštenim operaterima.
 - Rekultivacija i vraćanje lokacije u prethodno stanje ili namjenu koju je propisao nadležni organ.

Rok za izvršenje: Nakon prestanka rada predmetnog kompleksa.

6. Granične vrijednosti zagađujućih materija

- U skladu sa Pravilnikom o graničnim vrijednostima emisija u zrak iz postrojenja za sagorijevanje („Službene novine Federacije BiH”, broj: 3/13 i 92/17) – energent tečno gorivo – lož ulje.

Zagađujuća materija	Granična visoka vrijednost mg/m ³
NO _x	450
Dimni broj	1
Čvrste čestice	30

- U skladu sa Pravilnikom o načinu vršenja monitoringa kvaliteta zraka i definiranju vrsta zagađujućih materija, graničnih vrijednosti i drugih standarda kvaliteta zraka („Službene novine Federacije BiH”, broj: 1/12, 50/19 i 3/21).

Zagađujuća materija	Period uzorkovanja	Granična vrijednost µg/m ³	Tolerantna vrijednost µg/m ³
SO ₂	1 sat	350	500
SO ₂	24 sata	125	125
NO ₂	1 sat	200	225
NO ₂	24 sata	85	125
LC10	24 sata	50	75

- Granične vrijednosti štetnih materija za tehnološke otpadne vode prije ispusta u prijemnik u skladu sa Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20 i 96/20).

Parametar	Mjerna jedinica	Površinske vode	Javna kanalizacija
temperatura	°C	30	40
pH		6,5-9,0	6,5-9,5
Ukupne suspendirane materije	(mg/l)	35	400
Taložive materije	(mg/l h)	0,5	10
BPK ₅	(mgO ₂ /l)	25	250
KPK-Cr	(mgO ₂ /l)	125	700
Teškohlapljive lipofilne tvari (ukupna ulja i masti)	(mg/l)	20	100

Amonijačni azot, NH ₄ -N	(mg/l)	10	40
Ukupni azot	(mg/l)	15	100
Ukupni fosfor, P	(mg/l)	2,0	5,0

- Zakonom o zaštiti od buke („Službene novine Federacije BiH”, broj: 110/12) kojim su propisani nivoi vanjske buke u različitim zonama (područjima).

Područje (zona)	NAMJENA PODRUČJA	Najviša dozvoljena razina (dBA)		
		Ekvivalentna razina Leq	Vršna razina	
			dan	noć L1
I	Bolničko-lječilišna	45	40	60
II	Turistička, rekreacijska, oporavilišna	50	40	65
III	Čisto stambena, odgojno-obrazovna i zdravstvena institucija, javne zelene i rekreacijske površine	55	45	70
IV	Trgovačka, poslovna, stambena i stambena uz prometne koridore, skladišta bez teškog transporta	60	55	75
V	Poslovna, upravna, trgovačka, obrtnička, servisna (komunalni servis)	65	60	80
VI	Industrijska, skladišna, servisna i prometno područje bez stanovanja	70	70	85

Granične vrijednosti emisija za zagađujuće supstance zasnovane su na važećim propisima ili najboljim raspoloživim tehnikama po svakoj emisionoj tački.

7. Monitoring

Vršenje mjerenja zagađujućih materija i buke kao i učestalost mjerenja emisije u zrak i vodu, odnosno monitoring emisija i svih otpadnih tokova mora se vršiti u skladu sa važećim zakonskim propisima.

Na lokaciji poslovnog kompleksa za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina „C.I.B.O.S.” d.o.o. Sarajevo, Poslovna jedinica Zenica u Ulici željezarska bb, Poslovna zona 2, Grad Zenica, planirano je sljedeće:

- Monitoring proizvodnje, nastanka otpada i tokova otpada, a naročito opasnog otpada (rabljena motorna ulja, zauljene krpe i ostali opasni otpad).
- Praćenje količine produkovanog otpada i evidentiranje, praćenje odvoza od strane ovlaštene firme i načina deponovanja produkovanog otpada.
- Redovno nadzirati aktivnosti na minimizaciji nastajanja svih otpadnih tokova na lokaciji poslovnog kompleksa za tretman i reciklažu neopasnog miješanog otpada i reciklažnog dvorišta.
- Voditi dnevnik u koji se upisuju podaci važni za rad predmetnog kompleksa.
- Pregled i praćenje količine mulja i masti u separatorima ulja i masti.
- Praćenje i održavanje ispravnosti svih hidrotehničkih objekata (slivnika, šahtova, separatora, itd.).
- Redovno kontrolisati i održavati postrojenja/uređaje kako u radu ne bi došlo do povećane emisije buke.
- Monitoring emisija zagađujućih materija u zrak uskladiti sa odredbama Pravilnika o monitoringu emisija zagađujućih materija u zrak („Službene novine Federacije BiH” broj:

09/14 i 97/17).

- Monitoring kvaliteta i kvantiteta otpadnih voda uskladiti i sprovoditi prema odredbama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20 i 96/20) i u skladu sa uslovima propisanim Rješenjem o vodnoj dozvoli broj: UP-1/25-3-40-520-3/20 od 30.12.2020. godine izdatim od strane „Agencije za vodno područje rijeke Save”, Sarajevo.

Prijedlog monitoring plana u skladu sa propisima i rokovima za preduzimanje predviđenih aktivnosti i mjera za poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina „C.I.B.O.S.” d.o.o. Sarajevo, Poslovna jedinica Zenica, koji se nalazi u Ulici željezarska bb, Poslovna zona 2, Grad Zenica:

Parametar praćenja	Način praćenja	Mjesto praćenja	Dinamika praćenja	Odgovornost
Stanje sistema za zagrijavanje (kotlovnica sa opremom)	Pregled i ispitivanje	Kotlovnica	Kontinuirano	Nadležna služba društva
Emisija dimnih plinova	Pregled i ispitivanje	Dimni kanal	Jednom godišnje	Nadležna služba društva
Komunalni otpad	Praćenje količine i evidentiranje	Prostor gdje se drže posude za ovu vrstu otpada	Svakodnevno	Nadležna služba društva
Opasni otpad (ulje i masti, gorivo itd.)	Vizuelno praćenje količine i evidentiranje	Prostor gdje se drže posude za ovu vrstu otpada	Svakodnevno	Nadležna služba društva
Čišćenje radnih, saobraćajnih i manipulativnih površina	Vizuelno praćenje	Predmetni kompleks	Svakodnevno	Nadležna služba društva
Intenzitet buke	Mjerenje emisije	Na rubnim dijelovima poslovnog kompleksa	Jednom godišnje	Nadležna služba društva
Intenzitet prašine	Vizuelno praćenje/ mjerenje emisije	Predmetni kompleks	Kontinuirano/ jednom godišnje	Nadležna služba društva
Stanje uređaja za odvođenje i prečišćavanje otpadnih voda	Pregled i čišćenje	Slivnici, rešetke, separatori, cjevovod	Kontinuirano	Nadležna služba društva
Kanalizaciona mreža	Pregled i čišćenje	Slivnici, rešetke, separator, cjevovod	Jednom sedmično	Nadležna služba društva
Otpadna tehnološka voda	Fizikalno-kemijska analiza prečišćene tehnološke vode	Izlazna komora iz separatora u krajnji recipijent	U skladu sa uslovima propisanim vodnim aktom Agencije za vodno područje rijeke Save.	Nadležna služba društva
Pitka voda	Mjerenje potrošnje uz evidentiranje u ustrojenu evidenciju	Vodomjer	Mjesečno	Nadležna služba društva
Upotrebne dozvole	Pregled i	Radne i pomoćne	Najmanje jednom u	Nadležna

sredstava rada i opreme	ispitivanje	prostorije	tri godine	služba društva
Elektroinstalacije	Pregled i ispitivanje	Radne i pomoćne prostorije i prostori	Jedan put u tri godine	Nadležna služba društva
Gromobran i uzemljenje	Pregled i ispitivanje	Objekti u poslovnom kompleksu	Jedan put u tri godine	Nadležna služba društva
Sredstva za gašenje požara (PP aparati i hidranti)	Pregled i ispitivanje	Poslovni krug	Najmanje jednom u šest mjeseci	Nadležna služba društva
Mulj u separatoru ulja i masti	Pregled i čišćenje	Separtor ulja i masti	Kontinuirano/ po potrebi	Nadležna služba društva

Po nalogu kontrolnih organa operater „C.I.B.O.S.” d.o.o. Sarajevo, Poslovna jedinica Zenica je dužan za poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina, koji se nalazi u Ulici željezarska bb, Poslovna zona 2, Grad Zenica provoditi i dodatna mjerenja.

Operater „C.I.B.O.S.” d.o.o. Sarajevo Poslovna jedinica Zenica je dužan da vodi evidenciju o monitoringu, te da dostavi Ministarstvu prostornog uređenja, prometa i komunikacija i zaštite okoline i Kantonalnoj upravi za inspekcijske poslove izvještaje o svim izvršenim mjerjenjima, godišnji izvještaj o vrstama, količini i načinu zbrinjavanja otpada i ostalo propisano okolinskom dozvolom.

8. Rok važenja okolinske dozvole

Okolinska dozvola važi **5 (pet)** godina od dana prijema rješenja.

U periodu važenja ove dozvole operater „C.I.B.O.S.” d.o.o. Sarajevo, Poslovna jedinica Zenica je za poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina, koji se nalazi u Ulici željezarska bb, Poslovna zona 2, Grad Zenica, dužan provoditi sve mjere i aktivnosti propisane ovom dozvolom i važećim zakonskim propisima.

Ukoliko operater pogona i postrojenja tokom trajanja važenja izdate okolinske dozvole planira promjenu prirode ili funkcionisanja postrojenja ili proširenje postrojenja koje može uticati na okoliš, dužan je da o tome, u pisanoj formi, obavijesti ovo Ministarstvo u skladu s članom 95. Zakona o zaštiti okoliša Federacije Bosne i Hercegovine („Službene novine Federacije BiH”, broj 15/21).

Operater „C.I.B.O.S.” d.o.o. Sarajevo, Poslovna jedinica Zenica je dužan Ministarstvu za prostorno uređenje promet i komunikacije i zaštitu okoliša podnijeti zahtjev za obnovu okolinske dozvole 90 dana prije isteka važenja ove okolinske dozvole u skladu sa članom 93. i 86. Zakona o zaštiti okoliša („Službene novine Federacije BiH”, broj: 15/21).

O B R A Z L O Ž E N J E

Operater „C.I.B.O.S.” d.o.o. Sarajevo, Poslovna jedinica Zenica dostavio je Ministarstvu prostornog uređenja, prometa i komunikacija i zaštite okoline zahtjev za izdavanje okolinske dozvole za poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina u količini od cca 215 tona/dan. Predmetni poslovni kompleks je lociran u Ulici željezarska bb, Poslovna zona 2, Grad Zenica.

Zahtjev za izdavanje okolinske dozvole za poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina u količini od cca 215 tona/dan operatera „C.I.B.O.S.” d.o.o. Sarajevo, Poslovna jedinica Zenica

podnesen je u skladu sa odredbama člana 86. Zakona o zaštiti okoliša („Službene novine Federacije BiH” broj: 15/21) i člana 6. Uredbe kojom se utvrđuju pogoni i postrojenja koja moraju imati okolinsku dozvolu („Službene novine Federacije BiH” broj: 51/21 i 74/22) kojeg je izradila ovlaštena konsultanstka kuća „TQM“ d.o.o. Lukavac.

Uz zahtjev je dostavljena sljedeća dokumentacija:

- Kopija Aktuelnog izvoda iz sudskog registra, broj: 065-0-RegZ-23-000515 od 18.01.2023. godine izdatog od strane Općinskog suda u Sarajevu.
- Kopija Rješenja o okolišnoj dozvoli broj: UPI 05/-2-23-11-14/18 SC od 04.06.2018. godine izdatog od strane Federalnog ministarstva okoliša i turizma Sarajevo.
- Kopija rješenja kojim se daje Dozvola za upravljanje otpadom i njegovo odlaganje broj: 12-23-2925-1/11 od 10.05.2018. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Dopunskog Rješenja kojim se daje dozvola za aktivnosti upravljanja otpadom i njegovo odlaganje broj: 12-23-2925-2/11 od 03.04.2019. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Rješenja o odobrenju za građenje broj: 12-23-1583/07 od 08.06.2007. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Rješenja o odobrenju za građenje broj: 12-23-3589/08 od 23.06.2008. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Rješenja o izmjeni odobrenja za građenje broj: 12-23-98/08 od 15.01.2008. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Rješenja o upotrebi građevine broj: 12-23-3727/07 od 28.11.2008. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Kopija Rješenja o upotrebi građevine broj: 12-23-7368/08 od 01.06.2010. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Uvjerenje kojim se utvrđuje da Društva za otkup i primarnu preradu sekundarnih sirovina i trgovinu „C.I.B.O.S.” d.o.o. Sarajevo nema duga po osnovu javnih prihoda broj: 13-9/7-12-5-1061/23 L.A. od 11.04.2023. godine izdato od strane Kantonalnog poreznog ureda Sarajevo, Porezna ispostava Ilijaš.
- Kopija Certifikata ISO 14001:2015 za sakupljanje i preradu sekundarnih sirovina, demontaža metalnih konstrukcija i postrojenja broj: ICS EMS 386 2022 izdatog od strane Instituta za Certificiranje Sistema d.o.o. Sarajevo dana 31.01.2022. godine sa rokom važenja do 22.01.2025. godine.
- Kopija zemljišnoknjižnog izvodka, ZK uložak broj: 557, katastarska općina Zenica I izdatog od strane Zemljišnoknjižnog ureda Općinskog suda u Zenici broj: 043-0-NAR-23-003 500 od 07.03.2023. godine.
- Kopija posjedovnog lista broj: 1067 izdatog od strane Službe za imovinsko-pravne, geodetske poslove i katastar nekretnina Grada Zenica broj: 04-26-10-2096/23-5 od 07.03.2023. godine.
- Kopija kopije katastarskog plana broj: 04-23-10-2096/2023-4 od 07.03.2023. godine izdatog od strane Službe za imovinsko-pravne, geodetske poslove i katastar nekretnina Grada Zenica.
- Kopija ugovora o kupoprodaji zaključenog dana 06.07.2005. godine između „Željezara” Zenica d.o.o. Zenica (Prodavac) i Društva za otkup i primarnu preradu sekundarnih sirovina i trgovinu „SM BH” d.o.o. Sarajevo (Kupac).
- Kopija Zaključka o odbacivanju podneska za izdavanje vodne dozvole broj: 05-25-3277-2/10 od 13.08.2010. godine izdatog od Ministarstva za poljoprivredu, šumarstvo i vodoprivredu Zeničko-dobojskog kantona.
- Kopija Rješenja o vodnoj dozvoli broj: UP-1/25-3-40-520-3/20 od 30.12.2020. godine izdatog od

- „Agencije za vodno područje rijeke Save“ Sarajevo.
- Kopija Zapisnika o inspekcijskom nadzoru broj: 18-23-13781/19 od 23.04.2019. godine izdatog od Kantonalne uprave za inspekcijske poslove Zeničko-dobojskog kantona.
 - Kopija Zapisnika o inspekcijskom nadzoru broj: UP1-10-23-3-00050/2019-1004-P-1004-1-P od 26.04.2019. godine izdatog od Federalne uprave za inspekcijske poslove.
 - Kopija Rješenja kojim se „C.I.B.O.S.“ d.o.o. Sarajevo Poslovna jedinica Zenica nalaže da adekvatno uredi i obilježi prostor za skladištenje opasnih otpadnih materija broj: UP1-10-19-3-00022/2022-1004-P-1004-2-P od 26.05.2022. godine izdatog od Federalne uprave za inspekcijske poslove.
 - Kopija Zapisnika o inspekcijskom nadzoru broj: UP1-10-19-3-04472/2022-1004-P-1004-P od 25.08.2022. godine izdatog od Federalne uprave za inspekcijske poslove.
 - Kopija Ugovora o pružanju usluga preuzimanja, manipulacije, skladištenja i krajnjeg zbrinjavanja opasnog otpada broj: 2412-1/21 od 05.10.2021. godine zaključenog između „AIDA-COMMERCE“ d.o.o. Sarajevo i „C.I.B.O.S.“ d.o.o. Sarajevo.
 - Kopija Ugovora o sakupljanju i oporabi elektroničkog otpada i otpadne opreme od 31.10.2013. godine zaključenog između „Kim Tec Eko“ d.o.o. Vitez i „C.I.B.O.S.“ d.o.o. Sarajevo.
 - Kopija Ugovora o izvođenju usluga sakupljanja, sortiranja, transporta, i obrade otpadne električne i elektronske opreme broj: UG/5-25/13 od 15.11.2013. godine zaključenog između „ZEOS ekosistem“ d.o.o. Sarajevo i „C.I.B.O.S.“ d.o.o. Sarajevo.
 - Kopija Ugovora o izvršenju usluge odvoza otpada za privredne subjekte broj: 14/01/22 od 06.01.2022. godine zaključenog između „ALBA Zenica“ d.o.o. Zenica i „C.I.B.O.S.“ d.o.o. Sarajevo, Podružnica Zenica.
 - Zaključak o iznosu troškova objavljivanja javnog obavještenja u dnevnim novinama broj: 12-19-02279-1/23 od 05.05.2023. godine izdatog od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
 - Kopija ponude broj: 338-2023 od 12.05.2023. godine od strane dnevnih novina „DNEVNI AVAZ“.
 - Popratni akt u postupku Javnog uvida broj: 12-19-02279-3/23 od 25.05.2023. godine i Obavještenje o Javnom uvidu izdati od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
 - Zahtjev za objavljivanje obavještenja u dnevnim novinama „DNEVNI AVAZ“ broj: 12-19-02279-4/23 od 25.05.2023. godine i Obavještenje o Javnom uvidu izdati od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
 - Popratni akt broj: 12-19-02279-2/23 od 25.05.2023. godine kojim se Grad Zenica obavještava o Javnom uvidu, izdat od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona.
 - Potvrda narudžbe broj: 1921-2023 od 23.03.2023. godine od strane dnevnih novina „DNEVNI AVAZ“.
 - Kopija Izvještaja o monitoringu kvaliteta i kvantiteta otpadnih voda broj: 7-575-4990/22 od 20.10.2022. godine urađenog od strane „TQM“ d.o.o. Lukavac.
 - Kopija Izvještaja o mjerenju nivoa okolinske buke broj: 6-508-3898/20 od 13.11.2020. godine urađenog od strane „TQM“ d.o.o. Lukavac.
 - Kopija Informacije o ocjenjivanju kvaliteta zraka broj: 6-667-5855/22 od 30.11.2022. godine urađene od strane „TQM“ d.o.o. Lukavac.
 - Plan upravljanja otpadom za poslovni kompleks za prikupljanje i otkup, obradu i privremeno skladištenje sekundarnih sirovina „C.I.B.O.S.“ d.o.o. Sarajevo, Poslovna jedinica Zenica od aprila 2023. godine urađen od strane „TQM“ d.o.o. Lukavac.
 - Zahtjev za obnovu okolinske dozvole broj: 10-103/23 od 05.04.2023. godine urađen od strane „TQM“ d.o.o. Lukavac.
 - Prilog V – Izjava o istinitosti, tačnosti i potpunosti podataka od 14.03.2023. godine, potpisana od strane direktora Sakiba Hukića zakonskog zastupnika „C.I.B.O.S.“ d.o.o. Sarajevo, ovjerena u Općini Ilijaš.

Javni uvid u Zahtjev za izdavanje okolinske dozvole operatera „C.I.B.O.S.” d.o.o. Sarajevo, Poslovna jedinica Zenica za poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina koji se nalazi u Ulici željezarska bb, Poslovna zona 2, Grad Zenica, je u skladu sa članom 86. i 93. Zakona o zaštiti okoliša („Službene novine Federacije BiH”, broj: 15/21) proveden i trajao je 30 dana počevši sa danom 31.05.2023. godine. Zahtjev za izdavanje okolinske dozvole bio je objavljen na službenoj web stranici Zeničko-dobojskog kantona.

Aktom broj: 12-19-02279-2/23 od 25.05.2023. godine Ministarstvo za prostorno uređenje, promet i komunikacije i zaštitu okoline Zeničko-dobojskog kantona je obavijestilo jedinicu lokalne samouprave – Grad Zenica o podnesenom zahtjevu za obnovu okolinske dozvole operatera „C.I.B.O.S.” d.o.o. Sarajevo, Poslovna jedinica Zenica investitora koja je bila u obavezi osigurati učešće javnosti, mjesne zajednice koje gravitiraju predmetnom objektu i NVO koje se bave pitanjima zaštite okoliša u predmetnom postupku.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona u predviđenom roku za javni uvid nije zaprimilo primjedbe, informacije, analize ni mišljenja na objavljenu predmetnu dokumentaciju.

Poslovni kompleks za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina se nalazi u krugu Željezare Zenica u Ulici željezarska bb (kapija 5), Poslovna zona 2, Grad Zenica. Pristup predmetnom kompleksu obezbijeđen je sa gradske saobraćajnice koja povezuje prigradsko naselje Kanal sa centrom grada. Osnovna djelatnost društva je prikupljanje, otkup, privremeno skladištenje, proizvodnja, tretman i transport sekundarnih sirovina. Kapacitet prerade je je cca 215 tona/dan otpadnih materijala.

Predmetni kompleks se sastoji od sljedećih sadržaja: otvorenog skladište crnih metala površine 26 107 m², natkrivenog i zatvorenog skladište obojenih metala s radionicom površine 295 m², upravne zgrade, postrojenja „Schreder” za mljevenje (usitnjavanje) i razdvajanje metalnih od nemetalnih frakcija kapaciteta 10 t/h, postrojenja za presovanje i siječenje – hidraulične makaze „Lindemann” kapaciteta 30 t/h, postrojenja za mljevenje otpadnih guma i proizvodnju RDF-a kapaciteteta 2500 t/h, mašine za vađenje žice iz kamionskih guma maksimalna sila 45 t, prese za paketiciranje starog papira i kartona „MBH HELMOND”, kamionsko-vagonske vage kapaciteta 100 t, kotlovnice u sklopu upravne zgrade sa instaliranim kotlom na tečno gorivo (lož ulje) snage 44,20-64,5 kW, dva armirano-betonska tipska separatora ulja i masti sa prelivom – za tehnološke otpadne vode, mehanizacije, sredstava rada i opreme i platoa sa pristupno – manipulativnim prostorom, željezničkim kolosjekom i internim saobraćajnicama.

Operater „C.I.B.O.S.” d.o.o. Sarajevo, Poslovna jedinica Zenica na predmetnoj lokaciji poslovnog kompleksa za prikupljanje i otkup, obradu i privremeno skladištenje sekundarnih sirovina, kao i distribuciju opasnog otpada i sekundarnih sirovina obavlja sljedeće aktivnosti:

- Doprema sekundarnih sirovina sa drugih lokacija putem vlastitog transporta ili vozilima ovlaštenih transportnih društava,
- Prihvat sekundarnih sirovina od fizičkih i pravnih lica,
- Razdvajanje sekundarnih sirovina po vrstama (plastika, metal, papir i karton i sl.),
- Obrada i pakovanje sekundarnih sirovina po vrstama,
- Uskladištenje i sortiranje sekundarnih sirovina,
- Transport sekundarnih sirovina do krajnjeg kupca,
- Druge prateće usluge (administracija itd.).

Tehnološke otpadne vode koje nastaju pranjem radnih platoa (ulaz sirovina, skladišni i radni prostor proizvodne hale) zajedno sa oborinskim onečišćenim vodama sa otvorenih radnih, skladišnih i

manipulativnih površina predmetnog poslovnog kompleksa se prikupljaju sistemom linijskih kanala i slivničkih rešetki te se kanalizacionim cijevima odvođe na tretman u dva tipska separatora ulja i masti. Krajnji ispušt prečišćenih otpadnih voda je preko okna za monitoring u rijeku Bosnu. Sanitarno-fekalne otpadne vode se prikupljaju zasebnim kanalizacionim sistemom te odvođe do spoja na gradsku kanalizacionu mrežu.

Radne, saobraćajne i manipulativne površine moraju biti betonirane ili asfaltirane, sa padom prema slivnicima. Kvalitet ispuštanih tehnoloških otpadnih voda mora biti u skladu sa graničnim vrijednostima navedenim u dispozitivu ovog rješenja i drugim zakonskim propisima.

Za zagrijavanje prostora poslovno-administrativnog objekta koristi se kotlovnice u sklopu upravne zgrade sa instaliranim kotlom na tečno gorivo (lož ulje) snage 44,20-64,5 kW.

Napajanje električnom energijom obezbjeđeno je priključkom na elektrodistributivnu mrežu, a snabdijevanje vodom za sanitarne, tehnološke potrebe, kao i za potrebe vanjske hidrantske mreže obezbjeđeno je priključkom na gradsku vodovodnu mrežu kojom upravlja JP „Vodovod i kanalizacija” d.o.o. Zenica.

Uvidom u dostavljenu dokumentaciju utvrđeno je da su propisane mjere očuvanja zraka, tla, voda, mjere adekvatnog upravljanja otpadom, mjere sigurnosti i predostrožnosti od incidentnih situacija te predviđen monitoring i izvještavanje.

Prema dostavljenim Izvještajima o ispitivanju mjerenja kvalitativno-kuantitativnih karakteristika otpadne vode, nivoa buke i kvaliteta zraka sa predmetnog kompleksa „C.I.B.O.S.” d.o.o. Sarajevo, Poslovna jedinica Zenica urađenim od strane „TQM” d.o.o. Lukavac, izmjereni nivo emisije zagađujućih materija u vode, nivo buke i kvalitet zraka ne prelaze propisane granične vrijednosti.

Analizirajući kompletnu tehničko tehnološku i drugu dostavljenu dokumentaciju kao i lokaciju objekta Ministarstvo za prostorno uređenje, promet i komunikacije i zaštitu okoline je odlučilo kao u dispozitivu ovog rješenja.

Pouka o pravnom lijeku:

Protiv ovog Rješenja može se izjaviti žalba Federalnom ministarstvu okoliša i turizma u roku od 15 dana od dana prijema ovog Rješenja. Žalba se podnosi putem Ministarstva za prostorno uređenje, promet i komunikacije i zaštitu okoline Zeničko-dobojskog kantona. Taksa na žalbu iznosi 15,00 KM administrativne takse po tarifnom broju 3. Tarife federalnih administrativnih taksi.

Dostavljeno:

- 1 x naslovu
- 1 x Grad Zenica
- 1 x Kantonalna uprava za inspeksijske poslove
-inspekcija za zaštitu okoline-
- 1 x a/a

Obrađivač akta: Nusret Bešić

MINISTAR

Danijel Pašić